

64851
b



殊評淮南鴻烈解



康學有本原慨然有志天下而不得盡其用繇司農郎以至秉鉞鄖楚徵兵措餉與寇事相終始中爲忌者所擠謫遣覃懷余時避兵河北日偕覺斯諸子與叔康握手道故觴詠交驩見其神宇充然天真爛熳絕無憂鬱無聊怨懟

君父之念深歎叔康胸中殆

不可測以爲近有道者曾
幾何時遽已奄然物化今
年秋令子仲寬來游京師
手是年譜見示舉稚壯衰
老之情升沉夷險之變具

在現前無不神似警咳笑
貌固可呼而出也披讀再
三爲之歔歔流涕昔宣尼
志學一章先儒以爲聖人
自敘年譜家語殆近傳會

蓋年譜之興始唐宋諸君子然昌黎先生與歐蘇兩人皆其門人子弟所譜銓次未必盡當此乃叔康自爲寫照故無事刻畫而委折曲盡如此至敘家庭情真而語樸敘宦績心平而氣和不出數千言而一生實錄粲然指掌叔康行業操履固可觀感得也余自

別吾友殆將十載兵戈奔
竄之慘恍如夢寐叔康既
已反其真而余猶苟全性
命老冉冉至矣修名不立
深以自媿苗氏子孫其取
此譜冠於家乘世世寶守
比於赤刀大訓焉

順治九年陽月刑部右侍
郎眷年弟張鼎延書於
白雲署中



大中丞苗晉侯先生文集卷七

叔康甫自紀

年譜

萬曆己丑一歲

是年先大夫任四川保寧知府七月初九日
寅時先高太恭人舉余於保寧府公署

萬曆庚寅二歲

是年在保寧

年譜卷七

萬曆辛卯三歲

是年冬先大夫先以入覲過澤余從之先大夫旋以讀禮家居

萬曆壬辰四歲

是年在澤州

萬曆癸巳五歲

是年在澤州

萬曆甲午六歲

是年在澤州秋九月一內親中鄉試旗扁填門余問父曰彼何爲者父曰因讀書耳余曰兒可讀書否父喜甚遂入小學

萬曆乙未七歲

是年在澤州從事小學

萬曆丙申八歲

是年在澤州從事小學

萬曆丁酉九歲

是年在澤州從事小學

萬曆戊戌十歲

是年在澤州從事小學

萬曆己亥十一歲

是年在澤州從事小學

萬曆庚子十二歲

是年在澤州從事小學

萬曆辛丑十三歲

是年在澤州從事小學

萬曆壬寅十四歲

是年應澤州太守童子試取高等

萬曆癸卯十五歲

是年再應澤太守童子試取高等

萬曆甲辰十六歲

是年在澤州

萬曆乙巳十七歲

是年應澤太守童子試列名第五覆試第一
督學試取充澤庠附學生員秋七月授室卽
王恭人

萬曆丙午十八歲

是年在澤庠

萬曆丁未十九歲

是年在澤庠

萬曆戊申二十歲

是年夏四月丁司恭人艱

萬曆己酉二十一歲

是年守制家居夏六月生長女王出

萬曆庚戌二十二歲

是年秋九月應督學試取一等食諸生廩

萬曆辛亥二十三歲

是年在澤庠夏四月娶次室趙於州

萬曆壬子二十四歲

是年秋應省試下第

萬曆癸丑二十五歲

是年在澤庠

萬曆甲寅二十六歲

是年在澤庠

萬曆乙卯二十七歲

是年秋應省試下第

萬曆丙辰二十八歲

是年在澤庠

萬曆丁巳二十九歲

是年在澤庠夏六月生長子士寅王出

萬曆戊午三十歲

是年取入河汾書院肄業秋八月中鄉試第

二十七名

萬曆己未三十一歲

是年春二月在京會試聞先大夫訃音歸里

萬曆庚申三十二歲

是年守制家居春三月生次女王出夏六月
生次子士容趙出

天啓辛酉三十三歲

是年守制家居冬十二月有
殺八妹
之變

天啓壬戌三十四歲

是年春二月會試中式第一百九十七名

月賜進士出身夏四月觀刑部政秋七月給
假歸省

天啓癸亥三十五歲

是年以給假家居冬十月娶次室劉於州

天啓甲子三十六歲

是年夏四月授官戶部福建司主事卽署本
司印秋七月管理下糧廳廳以驗准官吏軍
匠食糧坐派六倉厥口爲掌故食糧者蓋二

十七萬人因創立簿籍冒糧買厥各弊竇一時俱塞大司農南和李瞻宇署考釐奸吏皆束手立法人服精心云時以覃恩晉先大夫府君中議大夫嫡母仍贈恭人生母封太安人余授階承德郎室人王封安人給有誥勅軸

天啓乙丑三十七歲

是年秋七月下糧廳差報滿八月運餉赴延

綏鎮冬十月過里

天啓丙寅三十八歲

是年春長女出閨適孟秋九月回部時戶部專理邊餉員缺而邊事孔急司農告匱餉郎一缺群爲避遜大司農以余名請於冬十二月陞授戶部山東司郎中專理新餉兼管九門鹽法十二月娶次室韓於京邸

天啓丁卯三十九歲

是年在部理餉時九州之物力已空東方之
飛輓更急若或若揭若公移若手劄紛襍如
蝟昧爽入署夜復篝燈心維手灑日無停晷
而東江之增餉如許餉庫所出視昔年不啻
倍之余酌濟盈虛無復瞻顧雖事催科者與
邊鎮司局者茲不悅而余得黽勉竣事矣著
有東征新餉志紀述甚詳夏五月生第三女
劉出以皇子覃恩仍贈先大夫嫡母官階如
前母晉封太宜人余授階奉政大夫室人王
晉封宜人給有誥軸

崇禎戊辰四十歲

是年春二月以理餉告竣外補陝西布政司
右叅議分守關南道秋九月受事以今上登
極覃恩改贈先大夫府君朝議大夫陝西布
政司右叅議嫡母仍贈恭人余生母晉封太
恭人余授階朝議大夫室人王晉封恭人給

有誥軸冬十二月母高太恭人卒於官邸時
視事僅八十日興元夙苦流賊余八十日內
急講備剿之策紳士多笑爲迂比在苦塊後
五日群賊至去城五十里而營余墨經臨戎
率守若令厚集兵勇於城頭江上軍聲大振
俘馘五十六賊馬械穀物無算拮据二十餘
日賊乃敗去

崇禎己巳四十一歲

是年奉先太恭人柩春正月發興元繇漢江
至光化縣登陸二月抵家冬十一月襄葬事
刻有家乘十二月伯兄河陰令卒於家

崇禎庚午四十二歲

是年守制里居先大夫府君從祀鄉賢

崇禎辛未四十三歲

是年守制里居

崇禎壬申四十四歲

夏五月入都門補官中秋日奉旨復除湖廣
布政司右叅議兼按察司僉事分巡下荆南
道駐襄陽蓋巡道係臬司分署因帶僉憲銜
也以是年仲冬廿日抵襄受事初意出都入
楚可不過家迺流寇犯吾澤界大肆蹂躪風
傳特甚因再至里門繇順德至磁州卽聞寇
在覃懷至衛輝戒嚴益急及上行山滿日焦
灼死於賊刃者橫屍道傍殊不忍正視鄉民
群要余車前欲余向官司求寬賦余入城值
直指李景峯按部爲婉懇之得緩催科余夜
登城椎牛沽酒犒守城夫役再糾孫玉陽
翟心水侍御孝廉周石蓮張漢槎諸人釀金
瘞郊外暴骸以三千軀計前爲兒士寅聘王
霸州守丹衷女今倉卒成婚甫五日驅車赴
楚時黃河以南尚熙然樂土也

崇禎癸酉四十五歲

春二月以公務詣常德府夏四月陪按君宋
又希巡襄陽五月巡鄖陽及抵均州聞側室
趙氏之變急返襄陽趙以貧家女從余於諸
生時生兒士容歷十有二年有溫德有慧識
廿年間未嘗忤余未及一訣心切痛之秋七
月加銜按察司副使仍分巡荆南道九月入
武昌提調武闡取武舉尹鐸等七十五人冬
十一月流寇履水過黃河十二月卽入鄖地

時蔣中丞允儀方鎮鄖以賊警移駐襄陽流
賊陡至鄖屬素無堅城外邑凡六悉遭蹂躪
焚掠甚慘執法者以蔣中丞暨鄖守道徐憲
副景麟俱論戍固爲法受過然實力不足也
余聞鄖警尚遣襄衛兵二百名俾指揮謝成
名領之往救鄖夫以數十萬馬賊而二百步
兵當之從後思忖不啻螳臂抵車轍何濟毫
末隣封義急都不暇計過此襄陽遂爲兵賊

往來之衝余隻身支撐於廵道署中者又近
兩年未見他人以隻輪單騎來應援者良足
興歎是歲春旱米價甚騰余發襄倉穀平糶
以冉經歷董之而知府唐顯悅主其事余更
限以許賣不許賒許收錢不許收銀許賣一
二斗不許賣石餘而貧民多得實益迨本年
秋以糶錢糶穀還倉多餘至四百石不爲無
益耳

崇禎甲戌四十六歲

流寇犯襄時余將襄屬七城預爲增濬各保
無虞鄧許張李四總兵尤和兩副將各統兵
援剿孫謝兩中貴監紀之余爲定其囂爭措
其芻糧有司惟有受成南中久不見兵燹一
切城守塘報營伍皆余躬事條定夏五月從
陳玉鉉右司馬盧九台中丞率諸總戎兵入
山剿賊合兵二萬馬一萬自鄖陽詣竹山縣

層峯鳥道有不可輿者有不可馬者且有杖
而後行者如是五百餘里曾三日不火食晝
暴烈日夜宿頽垣都不遇賊諸軍駐竹山城
內已經焚掠屋宇俱盡絕無易糧處日惟煮
肉余遂身任催糧乘小舸從雨水大漲中破
浪直前幾危者數抵鄖陽急運米豆千餘石
挽舟逆流鱗次至竹山頭船至時漏下二鼓
陳司馬聞之大躍於帳中謂同知侯三光曰
吾軍得生矣得運糧五千石直抵陝西興安
州行間始無譁總戎鄧玘兵變自漢中府掠
商民船貨中元日抵襄屯漢江之北樊城鄧
統馬兵沿江岸追至屯漢江之南襄陽北關
亂兵楊長子花么兒輩另建旗號刑牲插血
鄧遣人往探輒擒而斬之余遣官往諭各兵
願從鄧不悅立斬其管糧官以謝亂兵且授
亂兵六人以守備官意恐余收功也余乃商

之許總兵成名以鎮葭渡江襲亂兵鄧亦於
上流潛渡與許兵合殺亂兵三百餘人各營
始定鄧帥兵居樊城四出劫掠余與鄧約彼
兵不許出五里否則憑余擒治俄兩兵復躍
馬露刃劫一途行之縣丞余伏兵擒之一兵
自刎鄧立遣馬堯相率所部馬兵奪其未死
之兵余遂欲棄官去鄧乃屬諸將來行成樊
人方得安枕先是寇未渡黃河余卽請之三
院措餉增兵因建鎮南襄兵兩營合得六百
人統以劉承胤高第借七屬馬得一百三十
匹諸縣賴作聲援今寇去又選襄陽衛六百
人括樊城煙戶得三千人借用北人之商於
樊者得五百人南人之商於樊者得三百人
尹橋之作帽商於樊者得五百人分合演總
一如軍中法聲威頓起余直指公應桂按部
至襄臨場縱觀卽上疏云襄陽巡道化無兵

而爲有兵練鄉兵而爲真兵備禦頗嚴然余雖號兵數千亦聊固吾圉余實不知兵迺以此浪得虛名私衷媿之是年八月行七女生韓出

崇禎乙亥四十七歲

春二月復築樊城詳見築樊紀畧築樊續紀二篇中三月禦寇於棗陽時軍將張大節以六百人守棗流寇數萬擾德安大節未敢出郊關一步余帶襄陽馬步兵八十人至乃創練城內外民兵一千六百人別白旗號於城外沙洲親訓之三日而知坐作進退因俾楊濂率之專理守城別調楚兵之偶駐襄樊者與張大節輩結隊而出敵賊衆於野對壘一晝夜頗有斬獲賊夜遁去時棗多草寇余以計散之夏四月晉秩叅政改鄖襄興安監軍卽欲束裝入潼關大督洪亨九以檄至屬余

料理鄖襄本色米豆并監三總兵兩副將兵
剿寇於漢中四月廿九於襄陽受事遶中軍
旗鼓等官改襄營兵三百歸標下繇鄖陽入
秦比至興安三總兵兩副將已先奉洪大督
公檄赴秦州鞏昌賊耗亦杳然居旬餘聞上
津有賊還軍遏之斬一百四十九級詳見豐
陽大戰篇中復還顧襄陽賊遁汝寧會改余
全楚監軍秋九月有青泥灣之捷冬十月禦

寇於麻城十一月承天有寇逼近顯陵余馳
救之各院鎮道咸集群賊敗去按君余二機
留余在郢重理護陵諸軍余創爲分不如合
遠不如近之說蓋於時副將王觀國佐余按
君分四千五百人爲八營環屯陵之四面各
數十里且有在百里外者猝難呼應幾至僨
裂今合作四大營選將汰兵分部訓練視督
改觀鄧大帥先以兵譁焚死遺兵三千餘周

繼先統之驕悍著聞人莫敢問盧九臺總理檄余分汰群議洶洶咸爲余危余佯作不知坐元佑宮先點閱其官頭汰四十餘人閉宮中後院俾無得與諸軍接談始點兵丁每百人爲一起引立後湖沙中點畢傳令每百人橫直成行百總執旗領之預令幹人陰察其舉止及余單騎入軍中隨所指揮分給楊世恩雷時聲兩副將統之帖然就伍盧余二公方與荆西吳守道坐語演武廳數遣人偵余行事及兵已定余入操場諸公拱手曰固知非公不能了此也

崇禎丙子四十八歲

春正月督秦總戎兵扼賊於麻黃原擬於黃梅縣出楚與盧九臺總理會兵夾擊賊於汝寧羅山盧公止之會大寇闖塌天一條龍九股從光化縣涉江群聚於襄屬余從楚撫

王六澤統兵疾馳來援二月廿八日抵襄廬
理公率邊兵九千在焉邊兵不馴地方人士
畏而惡之賊避兵入武當山邊兵憚於登涉
望山而泣不能進跬步盧公乃檄余督其半
巡行荊州實就食耳詳見余邊兵入楚紀畧
篇中時盧理公亦知邊兵不欲入山而專以
催本色米豆入山接濟爲詞王撫公從刑官
江禹緒之議必不運糧盧公遂引兵還豫
賊三面阻江因久毒荆襄矣至是余監軍一
年著有解鞍小錄四月余奉命撫郢五月初
三日接旗牌印信視事廿七督兵詣荊州剿
寇合承天兵與賊大戰累日共斬級二千餘
詳見余荆門剿寇紀畧篇中六月奉赦詔詳
見余奉詔招撫紀實篇中秋七月盧理公再
入楚與賊戰於南漳不勝再議撫八月余改
撫爲剿斬三十二賊誓師出戰適以畿輔有

警樞部飛檄勤王卽選鄖兵一千六百人重
整衣械以行夫以步兵一千六百而往當強
敵何恃無恐但君父有急豈臣子袖手之時
迺後之持議者謂余擅離汎地彼出此言者
爲史可鏡真目無君父矣九月部文止援兵
冬十月余入鄖陽始得料理鎮城諸事駐六
日仍至襄陽造大計文冊前築樊城告成而
給事中史可鏡御史陳曷虞相繼彈余余亦
上疏自劾詳見余辯疏辯揭暨撫鄖日錄篇
中十二月引兵援郢護陵還襄發兵詣棗陽
扼賊著有撫鄖雜錄撫鄖疏稿二書

崇禎丁丑四十九歲

春正月得旨解任仍料理辦賊候代時襄陽
之東與新野唐縣接壤以饑荒洊臻鄉民之
黠者假名團練防賊實則公行殺掠余計擒
其首惡駢斬二十餘人遠配二十餘人長繫

二十餘人皆從鄒郡守議境內以寧三月初十日得代出境夏四月六日抵里門適遇澤中宗室漁獵鄉民特甚群鄉民揭竿而起持刃持挺入城與宗室警殺日以數千計署州斬司理復鼓煽之幾至燎原余同紳士出而解紛始得粗安秋七月長孫振之生士容出秋冬建西第

崇禎戊寅五十歲

秋西第告成九月奉旨革職擬罪先是丙子冬史可鏡陳昺虞糾余奉旨以輕撫墮狡令巡按御史查奏今按君林紫濤奏稱彈文盡屬風聞而中樞楊文弱以香火黨史陳乃覆疏中改換頭面云剿旣無力撫又無謀欲以此坐罪噫寇禍十年剿撫迭用余據建牙之空號僅有步兵二千五百人而以當每股五七萬之劇賊且守家且追殺求增兵而司馬

不許求留餉而司農不許力從何來及赦詔特頒專官捧至不敢不一奉行雖狡賊未就戎索實未嘗因此別有決裂以視他督撫之撫而叛叛而殺人無算者何似又可嘆者兵部敘護承天顯陵功院道府縣各有陞賞獨至余則曰免議兵部彙敘楚中戰功與余同事之撫院復原官各道陞級復級有差獨至余則曰查明另議其連聯功次存案備查今論罪而不及功楊文弱固居然平章也此等斷案不知何以對君父對良心耶是年秋七月余長女適孟者病亾余撰有墓誌冬十二月七妹適徐者病亾一歲兩哭情何以堪且余及兄及女兄弟共十二人至是止存其四心匪鐵石聊付之長慟耳

崇禎己卯五十一歲

春以邊警狎至內地晉爲神京右臂亦甚戒

嚴州父母令鄉紳分汛守城余及苗慶野張
綠雪孝廉朱弼成進士董心素廷元協守南
城一切簾架炮臺旗幟號帶燈籠并整禦器
械之類皆捐貲爲之各有尺籍可查秋修築
城垣余首捐百金又督修南城一面頗費心
力然亦自爲身家計也夫何足言冬十二月
望日權厝副室趙樞於下碾祖塋之側撰有
墓誌十二月廿八日副室劉歿緣吐血而嗽
嗽而變爲癆已逾一載至是卒

崇禎庚辰五十二歲

春奉旨遣戍懷慶衛先是楊嗣昌以囑託私
憾借事請治余罪俄而黃岡甄淑入掌西曹
適與嗣昌同鄉欲定罪案而懼於公議司官
擬余城旦甄已批允遇星變有詔令諸人直
言時政給諫芮城陰太峯應詔陳言疏內侵
及甄甄大怒逢人便詈隨上疏有晉人所以

云然等語然陰疏實指名救中牟劉大司寇
非爲余也甄遂立迫司官劉桓改擬余遣戍
仍促以手束劉桓難之甄云時尚嚴切從重
擬罪吾儕亦可藉此做功名噫是誠何心哉
真與笑罵由他笑罵同聲矣總督孫白谷亦
因之重擬白谷刊省罪錄內有甄淑修怨晉
人之語蓋指此耳議載余漢濱舊話中是年
七月赴戍所十月生行八女韓出

崇禎辛巳五十三歲

是歲在懷慶春病疫幾危夏病霍亂秋病溺
結余素不善病今若此蓋無端被陷抑鬱填
胸安能自解幸余性耽書史聊可排遣而王
覺斯宗伯史念冲太守史雲岫給諫王子房
大尹時相遇從少破飄泊之感因著寄篇冬
十二月行六女于歸關門

崇禎壬午五十四歲

是年家居閒靜方一意杜門攤書培竹詎意
天災頻仍七月長孫振之瀉痢不起此兒夙
慧非常大是可人余視之不啻掌上珠忽爾
物化痛徹心髓八月仲兄揮使公告終余兩
兄暨女兄弟十二人昔先大夫歸窀時執紼
送者尚十一人迺廿年間病人相繼僅餘余
及兩女兒而余年踰五十鬢垂素絲孫枝忽
折每一念至忽忽悲苦因再詣覃懷稍圖消
化迨季冬以會葬仲兄促裝還澤

崇禎癸未五十五歲

築可園成余舍前隙地三畝許久作蔬圃舊
己卯歲築學圃樓庚辰歲築西軒今增築六
宜亭花林看雲樓菊存亭徧植花木爲逸老
計且咫尺居邸卽月夜雨晨不禁日涉也作
可園記以紀之冬月秦督余公應桂秦撫李
公化熙大帥高公傑兵集於澤士民惶震各

思避地于時干戈四起矣是年行六女適關
者以產病卒

文峯苗公傳

苗公諱煥字爾章號文峯予同年鄖陽巡撫都
御史晉侯公之父也世爲貢皇裔居澤州大陽
里曾祖銑祖時雍以明經爲常熟丞通七浦塘
費千金以利民父杰廩生加封承德郎公甲子
舉鄉隆慶辛未進士有志節能治劇除寶豐令
調魯山左遷鎮江丞陟戶部主事郎中陟四川
保寧府知府當在寶豐不數月調魯山山寇深

林隱五刃招礮徒亾命泊隸圍之屬駢駢旄旗
民廢畔發李謳其雄長也結聚數年有司戴罪
寇益得志齟齬墳墓公曰禍好則禍巨我寧瘞
人不能動而制彼乎佯若不整旅乘其紛拏陰
授策桀鷙者降入謳幕謳弗知也予之職志乃
襲謳殺之衆解畢收鹵民免于剝剔之患矣俗
駢悍民之梟剝賊詞人陰事竄入上司因以恫
喝大吏公以事致數人用法摩切以詢之少頃

互相詆挫公鉢之皆得其狀多仇少與公且勸
曰何樂爲人之蛇蝮借叢害人耶皆郵之以城
旦如悔過自劾以洗舊癥吾亦嘉其新而已不
念鷹之目也諸克憚其撻缺皆稽首又禁民之
死繆以圖利得渠率扶之以止汝州軍屯地叵
卒之攘民田也勁民折而退地多并于卒問之
小則控捲大則攘臂斫劍割人肌體公力請上
官數年之舊地始歸今二邑猶祠公云諸薦剡

爭推公會官廨戒火有以賂鼎問者公不之許
曰此善漁人也者乃以此持人短長吾入拜阜
衣出佩黃綬不饗本心奈何爲倉頭廬兒行徑
哉遂謗以蜚語主爵者僅移公鎮江郡丞京口
舟颿朝夕不稀公不苟取故寡浮費而簡于應
某見操江中丞口爲搏搯曰苗郡丞老矣又數
日謁中丞時公方四旬爲之驚愕命殿最諸衛
弁漏三四刻而報命中丞俾理刑將薦公尋以
魯山夙謗爲平山令於是不殘民以峻刑而格
鬪戟以存弱孱一如治魯山矣其後陟戶部主
事推河西務無私獲以累商商亦不詛無何陟
郎中尋陟四川保寧府知府故事買產多以縮
價訟蓋大豪訕其直也公革之鬻產經三載坐
訟者刻石於衢蠶叢曰革之便其俗稅糧私派
無藝民力窮敝公一無所羨時安縣道監司某
欲墻官涂防馬盜倣北走瘿陶盧奴道公持不

可曰北路平蜀山路甚險路倚琇窳樹木哇吟
如侍而畚揭以班事序民石溜竺崛逆凜以爲
人害必欲爲之不獨道第空費訾是以德爲怨
也土事不成害且倍蓰于盜何益于髻墾之薜
暴之乎大拂某旨而直指適以它事彈監司直
指固晉人監司惑焉出謗書而蜚語又至矣乃
以吏議註公公知讒難聖也公非媸媸無志節
者遂有夷然不屑之意拂袂歸里民爲泣留感
動左右歸于澤城西爲大椿園娛丘壑間三十
年不言官政耻請託亦冲然無遭螫不平容人
以爲難大約公爲人負氣侃侃不詭隨以易操
砥民利害若己利害可不謂賢乎年八十一終
祀鄉賢子三長有土舉於鄉官河陰令次廣土
金吾衛指揮季卽巡撫晉侯公胙土晉侯以戰
績嫉于楊武陵其槩亦有似公者

太史氏曰予屢與晉侯處恂恂有經濟才而被

讒中跲躄于遇人與文峯公之遭何異於是驗
古來抱才不詘物者比比然也蓋次公蕭長倩
執金吾與恭顯爲構彼人是哉而皆屈抑以躓
鷲羽不群端木無曲影文峯公非躓非直天地
陰陽且爭而人復何說耶詩人攬心于飄風興
刺于投豺不過言其焚輪之勢耳究亦於君子
何損而繼介乎譬之玉經彫磨則愈光道之不
恩邛浦後大作求彌昌嗚嘯晉侯公之經濟又
將引之矣

賜進士資政大夫南京禮部尚書前春坊諭德右
庶子少正詹事禮部左右侍郎掌南北翰林院
事纂修實錄撰文

召對講官記注會典副總裁

東宮侍班洪洞王鐸撰

中丞苗晉侯傳

汾陽朱之俊撰

苗姓自楚賁皇入晉食邑于澤稱衣冠望族當
嘉隆之季若時雍若杰父子紹衣倡明道學著
述逼河津而上雍明經出身官常熟二尹有惠
政民德之杰食國餼久需次貢宗伯以子煥成
進士膺馳封辭祿不仕煥生胙土字叔康號晉
侯文章經濟卓絕一代海內稱爲晉侯公公垂

髻父正宦達裘馬輕肥所有也獨抱膝苦吟精
研理道不爐不扇與寒素埒揮毫灑翰立就千
言人以是多之中天啓二年壬戌科進士官戶
部理新餉二十七萬人計口仰給咸飽騰無缺
望著有新餉志且處膏腴不稍染指朝野中孚
聲稱甚美陟陝西關南道布政司叅議秉憲度
激揚有法再陟湖廣荆南道按察司副使時流
賊數十萬由晉豫入楚姦宄奪攘矯虔戕吾民
如薙氏芟草旣蘊崇之又行火焉公戰守動合
機宜心血殫瘁著有解鞍等錄功績報最陟全
楚監軍道布政司叅政旋陟都察院僉都御史
撫治鄖陽旗壁一新著有撫鄖雜錄及奏疏尺
牘等書皆關宗社大計蓋天子以辦賊專責公
公亦以辦賊自任躬擐甲冑不敢言勞無何霄
人私隙構禍借剿撫齟齬坐誣罷官公去國後
封疆益債蹶兼天不祚明兵繼以荒傷心慘目

爲史冊所不載朝廷無失德馴致社稷丘墟徒
增見聞者惋痛耳甲申國變

皇清定鼎除兇雪耻光天被格錄用先朝遺老起
公爲都察院僉都御史巡撫南贛甫載塗設旆
大星忽晝隕天乎人乎予與公同年譜昔領光
霽今讀遺書不覺淚盈盈落也人臣事君惟力
是視在蹇之六二王臣蹇蹇匪躬之故初不言
吉凶悔吝蓋使占者但當鞠躬盡瘁而已至于

成敗利鈍非所論也象曰王臣蹇蹇終無尤也
蓋謂事雖不濟亦無所尤周孔兩聖人精意微
言洞悉人臣之隱有如此公轉饒百萬東事日
棘戴星援枹寇禍日烈諸葛無補于漢余闕有
負于元千古同恨所可異者曆數遞更何代蔑
有或敵國強藩漸而改玉未有一夫作難六合
土崩如有明之亾之忽焉者也釁起于流賊賊
起于加賦賦起于防邊宮中府中秦越異視此

相彼將痛癢莫關外臣腴民脂以潤身家內臣
挾威福以壅視聽天下嗷嗷新王之資此亦有
天數存焉惟是封疆之臣上馬擁緄滕下馬拯
凋敝拮据荼拵彼緝緝翩翩者息偃在床出天
風議從而媒蘖其後止知伍子胥屬鏤于吳而
不知費無極誅夷于楚也止見汲黯白首于主
爵而不見張湯牛車之禍也止笑蕭望之跋躓
於前而不笑石顯顛覆於後也使公當日者不
措餉以任兵之譁不律師以任帥之暴或不至
驕人好好勞人草草然於匪躬之義謂何故吾
表而出之以告萬世之鞠躬盡瘁者

世譜引

余家世舊有譜。及萬曆辛卯歲。余祖承德郎府君捐館。余

父朝議大夫府君適官於蜀。倉皇間簡冊散逸。譜亦無存。於今五十餘年矣。族氏源流。莫能仰溯。惟吾師羅黃江宗伯表

先朝議墓曰。苗氏出自芊姓。楚賁皇入於晉。晉侯與之苗邑。因以爲氏。而土黨長子。縣有苗襲夔三傳。至晉卿實相。唐肅代位卿尹者。又數人。蓋本之唐書宰相世系如此。然妄認遠祖。若人譏之。余不敢出。在余族屬傳聞。則亦謂始自長子。遷高平之赤土坡。再

遷澤之陽阿。至余四世祖始入澤城。克博士弟子員。占籍澤之進士坊。然同宗之中。本支旣別。不知何以均在澤城。豈皆遷自陽阿乎。亦無可攷。獨是簡之家乘。及別楮上。遡至余七世祖。廼可攷名。四世祖以下。名字行實。稽覈始詳。然遡數至余孫輩。則已十

世約畧二百餘年。而頻沐

國恩。冠蓋相屬。蚤逾百年。非吾


祖父福澤。安能臻此。壬午之夏。通族列
版籍者。僅三十餘。余門內十有四人。
幸無踰閑犯義。若流俗之所爲。亦家
門之幸也。但吾

曾祖少尹府君之後。五登仕籍。忠厚和


平之家風不改。衣冠文物之孫子日
多。試想前因。便是後法。昔馬伏波將
軍在交趾。以書誡其子姪。謂願學龍
伯高。敦厚周慎。不願學杜季良。豪俠
好義。其書意甚深遠。不可不讀。余半
生做行。未得梗槩。亦願後人守忠厚
和平。以振衣冠文物。俾斯譜也。嗣續


而往。代有可書之蹟。延於無窮。則余
立譜之意不虛耳。

崇禎壬午夏至日苗胙土撰



苗氏世譜





一世

字號行實無可考

鳳

娶無可考

子浩敬朴

二世

浩

字號行實無可考

娶 無可考

子 昱 斌

三世

昱

字號無可考

娶 無可考

子 銘 銑 鏞

四世

銑

字號行實無可考

娶

馬氏

苗氏世譜

浩

字號行實無可考

娶 無可考

子 昱 斌

三世

昱

字號無可考

娶 無可考

子 銘 銑 鏞

四世

銑

字號行實無可考

娶

馬氏

子 時雍 時熙 無嗣

五世

時雍

字堯民號方山嘉靖癸巳貢士官常熟縣
縣丞著有燕居錄登仕錄享年六十有三

娶

李氏

關氏

子 杰

六世

杰

字子才號謙齋廩生累封戶部主事享年
七十有七

娶

李氏

累封安人享年三十有五

李氏

享年七十有六

子煥

女一適段霽

七世

煥

字爾章號文峯嘉靖甲子舉人隆慶辛未
進士累官四川保寧府知府贈朝議大夫
陝西布政使司右叅議祀本州鄉賢寶豐
魯山二縣名宦享年八十有一

娶

司氏

封安人累贈恭人享年六十有五

高氏

累封太恭人享年六十有六

子有土 廣土 胙土

女一適趙憲副九思 二適張尚書養蒙

三適徐都諫觀瀾 四適庠生光斗 五適庠生張

席六適裴大守述祖 七適庠生正宗 八適

珍六子庠生弘淳 生趙九適太學 邦奎九原而介

八世

有土

字培真號侍峯萬曆乙酉舉人累官河南河陰縣知縣享年七十

娶

司氏

贈孺人

馮氏

胡氏

司氏

郎氏

嗣子

嘉栗

女

一適舉人孟星

廣土

字
號象峯金吾衛指揮僉事享年六十有七

娶

袁氏

子

嘉卉

嘉栗

嘉芭

胙土

字叔康號晉侯萬曆戊午舉人天啓壬戌進士累官都察院右僉都御史撫治鄖陽

南贛祀本州鄉賢襄陽府名宦著有年譜

文集享年五十有八

娶

王氏

累封恭人享年六十有一

趙氏

子

士寅

士容

女

一適庠生孟樞

二適張緹帥道濬子侍衛德棻

三適庠生關克敏

四適王太守崇顯子庠生駿譽

九世

嘉

字楚畹號山公順治辛丑貢士

娶

李氏

焦氏

子

駿

庠生

女

一

適孟孝廉星子

二

適張復

三

適庠生田安世

四

字孔庠生斯立子鉞

五

嘉栗

字楚吟號拙公庠生

娶

石氏

子

潛之

庠生

昭之

庠生

宏之

女

一

適李府尹春茂

二

適陳堯統

三

嘉苞

字楚翹號懶公庠生

娶

宋氏

子

履之

庠生

綏之

愷之

女

一

適庠生

二

適庠生

三

士寅

字生伯號潛公廩生改官生授四川安縣

知縣

娶

王氏

太守王國士女

劉氏

王氏

石氏

憲副石鳳臺女

子 繩之

女 正 適王參藩徵俊孫官生
龍御子岸生復繪

字仲寬號嚴公庠生中順治戊子科武舉

春

娶

宋氏

郭氏

侯氏

子

女

端 適

崔象乾

世譜之敘寅

父中丞府君做古世系為圖本支并列貫以畫

線人書其諱字號行實即綴本諱之下

中丞府君敘文詳哉其言之矣顧當日敘者至

祖朝議府君而下尚有待焉今更歷四世生齒

漸繁不容不補寅承先志補而刻之其敘圖

仍

中丞府君之舊止於書諱不復綴以字號行實

後用世列詳載字號行實以及配室子女從此嗣續百世相繼補修本支昭穆歷遠不紊庶

中丞府君之志將垂裕於永久也已

康熙壬寅中秋不肖男士寅謹識

讀中丞公文集跋

先渭陽晉侯先生著有文集行世余小子披讀再四作而言曰有是哉巧心濬發技至此乎噫觀止矣循蜚疏仡以後文字代著六經四子尚已漢唐宋明諸大家鼓吹風雅黼黻皇猷各極其盛余總括其槩有敦崇節義之文有干城名

教之文若歸去來辭出師表正氣歌原
道篇佛骨表王命論之類是也有勞人
經濟之文有達人觀化之文若春陵行
西征序桃源記赤壁賦之類是也蓋文
如其人文可傳人如其文人可傳善乎
王通之論曰謝靈運小人哉其文傲君
子則謹沈休文小人哉其文冶君子則

是以讀八伯之賡寅清岳牧拜手稽
颺則煜乎有咏敘歌功火米繡藻之氣
其文靜而和讀十月之交番聚橘蹶朋
凶煽艷則恫乎有騰沸震霓噤沓背憎
之憂其文險而慘由斯以譚譏覆瓿者
猶是人猶是文嘆燒硯者猶是人猶是
文文重人乎人重文乎先生初登仕版

正值崔魏神叢楊左過涉之日使稍自
澳忍寧能不玷清議先生獨守正不回
恪修職業後皎日一出百草萎靡而松
栢挺然獨秀讀送王霸州諸序節義具
見一斑先生樹屏關南太恭人卒宦邸
先生扶柩還經三千里未嘗跬步離靈
輻遇盤徑菁林舟師盪漿處則撫棺長

號曰兒在此母勿驚行道之人感愴揮
涕合葬襄事動遵典禮事兩兄如父育
三姪如子讀隧道諸銘睦嫻任卹立本
敦倫真可謂干城名教者矣讀固圉諸
牘經濟堪勒鼎彝讀月下卮言無異濠
梁觀化偶舉一二他可類推是古今正
人學人勞人才人畢萃於一人今其文

具在也沈詞佛悅若游魚啣鈎而出重淵
之深浮藻聯翩若翰鳥纓繳而墜層雲之
峻取而讀之匪獨清新逸俊膾炙於一時
抑且立懦廉頑師表於百世噫觀止矣

魁舉人年家甥趙嗣彥拜手識



刻先中丞公文集紀畧

不肖男士寅敬識

先君子敦樸履誠雅不欲以文事顯憶昔過庭
時每命寅曰力行實也文字華也隱不違親義
不辭難魏闕名山各有一種真實經濟摘辭競
采取世資而已非道德性命之原也小子識之
與其華也寧實寅佩服終身罔敢失墜顧今刊
行遺稿無乃非先君子之志乎然諦思先君子

德型梓里郡乘誌之功勒封疆國史載之惟茲
言之文而行未遠也後嗣弗克表章於誰責而
可矧先君子之爲文又皆原本道德根極性命
非鞏悅勝說者比耶爰是分格標題編次成帙
壽之梨棗永以傳家雖嘗鼎一臠僅存十一千
千百覽者或生未睹其全之感乃在寅讀父之
書恒若見手澤于羨墻猶是先君子不欲尚華
之志終身佩服罔敢失墜而已況惠徼法晏榮
且藉以告無罪焉爾

昔

皇清康熙元年春和吉日

